

نسخه سی ۱۰ غروشد

اداره خانه سی : آفس پراپا
ملا کورانی محله سنده مهتر
سوقا غنده ۳- نومرو لوخانه

مرکز توزیعی :
باب عالی جاده سنده (اتحاد
تجارت) کتبخانه سی

آبونه بدلی :
شماره لکی ۱۲۰ غروش
آلنی آلفی ۶۰
اوج آلفی ۳۰

جلد : ۳

مخمس

۱۳۳۸

علمی ، ادبی ، اجتماعی و شمیم بلك

شهری مجموعه در

۱۳۴۰ ذی الحجه سنه مخصوص نسخه

صاحبی ، مدیری محرری :



اسلامك نفعه خادم مقالات
مع التبرك قبول ونشر اولونور
يازانك شخصيتي دكل ، يازينك اهميتي
نظر دفته آلتير .
كلن يازيلردن شايان قبول كوزولنار :
تاريخ ميراسيله درج ايديلير .

عدد : ۲۶

تبريك . رسم مصحف عثمانی مسئله سی از میرلی اسماعیل حق بك . تقويملرده اختيارات - محمد عزت بك .

مخمس علمی

قطعه تهليله ورباعي - سعود المولوي بك . عبدالحق حامد بك افندي بك بر مکتوبي . كوچوك

مخمس ادبی

بر مقدمه و غنظوم بر ترجمه - سليمان نظيف بك وديار بكرلي سعيدباشا مرحوم . بر بيت

مناسبتله - سليمان نظيف بك . غزل - سليمان نظيف بك . غزل - محي الدين رائف بك . غزل - احسان

محمي بك . عوفي بك مرحومه دائر - سعود المولوي بك . دوشوندم - عبدالعزيز مجدي افندي . مثنوي

شريفدن بعض آيات - طاهر المولوي . سلطان احمد جلاير بك ديواني - طاهر المولوي .

ام عماره رضی الله عنها - طاهر المولوي . سيد پرهان الدين - فريدوني فايد چلبی افندي .

مخمس تاريخی

بابيلك - احسان محوي .

اولان روایتہ کورہ (عربیہ بن عمرو) زوج اولی
اولوب مؤخرأ (زید بن عاصم) وارمشدر . حتی
اسمیکہ تکنی ایلمش اولدینی (عمارہ) نامندہ کی
اوغلی ، عربیہ بن عمروک صلبنددر .

ام عمارہ ؛ اوصیراده (عربیہ بن عمرو) ک حرمی
ام منیعده (خدیج بن سلامہ) نک زوجہ سی ایدی کہ
لیله بیعندہ (شبات بن خدیج) ی طوغوزمشدی .

* *

ہجرت سنہ نک اوچنجی سنہ سندہ قرشیلرلہ
وقوعہ کلن احد محاربہ سی ؛ ایکنجی دورہ سنہ
کیرمش ، یعنی مشرکینک انہزاحی و مجاہدینک ظفر
و اغتنامی دہ کیشمشدی . چونکہ : علیہ الصلوۃ
والسلام اقدیمزک ۔ اوردو آرقہ سی محافظہ ایچین
(عینین) کدیکنہ تعبیہ بویورمش اولدینی او قجیلر ؛
آلدقلى امرقطی خلافتہ وقوماندانلری (عبداللہ
بن جبر) ک ممانتہ رغماً موقعلری ترک ایلمہ غنیمت
طوبیلامق سوداسنہ دوشمشلر و اووقت دشمن
طرفندہ بولونان (خالد بن الولید) ک کریدن برسواری
باصقینی یاماسنہ میدان ویرمشلردی .

اوصیراده معهود (وحشی) نک نامردانہ آتدینی
بر حربہ ایلمہ حضرت (حمزہ) نک شہید اولماسی
وبعضیلری طرفندن « آرقہ کزہ باقیکز » دیبہ ندا
اولونماسی ؛ ایلریدہ کی اہل اسلامی کری دوئمہ یہ
مجبورایتدی . فطہ بونلر ، تلاشلہ بربرینی طانیاماز
جالہ کلدیلمر ، آرا لرنده کی « امت امت » یعنی « اولدور
اولدورہ » بارولاسنی اونوتوب یکدیگریلمہ چارپیشایہ
باشلادیلمر . بوقارغاشالقدہ اصحاب کرامدن (یمان)
و (ثابت بن وقش) اسمندہ ایکی پیر فانی ؛ مسلمان
قلیحیلہ شہید دوشدی .

کندینی طوبیلا یوب اوگدن و آرقہ دن صالدران
دشمن ؛ مجاہدین جمعیتی داغیتدی و نبی اکرم
حضرتلرینہ صوات ایتک ایستہدی .

« سعد بن ابی وقاص رضی اللہ عنہ حضرتلرینک
برادری اولان ملعون عتبہ بن ابی وقاص (آتدینی
طاشلہ) حضرت پیغمبرک دوداغنی یاردی و بردیشنی
قیردی . عبداللہ بن قثمہ نام ملعون دخی [قلیحیلہ]
مبارک یاناغنک اوستنی یاردی وزرہنک ایکی حلقہ سی
قیریلوب قوبارق بویاریلان یرہ باتوب ایچری کیردی
۔ قصص نبیاء مؤخرأ مسلمان اولان (عبداللہ
بن شہاب الزہری) دہ ینہ طاشلہ جہہ سعادت
یارالادی . مابعدی وار طاہر المروری

مولویک منقبہ لری :

سید برہان الدین

اوزمان شرقدہ علمہ ، علمایہ حرمت پک
فضیلہ ایدی .

بیوک علماء الدین ساجوقینک
سلطان العلمایہ اولان انقیاد و احترامی تاریخلرہ
کچمش علوی بر خاطرہ در . ینہ شرقدہ عالملر
سیاحتہ پک صراقلی ایدیلمر . ثقیلات واسطہ لرینک
آزلی ، یوجلیلق زحمتلری اونلرہ پک طاتلی کلوردی .
نجدک الکابی کیلانلرندن برینہ سواراولہ وق مشہور
(شیخ شہاب الدین عمرسہروردی) بغداددن رومہ
سفیر اولہ رق کلشدی . قیصریہ دہ جناب سید ایلمہ
کوروشمک ایستہمشدی . صاحب اصفہانی ۔ کہ
اوزمان قیصری والیمی و زرای سلجوقیہ دن
برذاتدی ، حضرتہ عرض تکریم و عبودیتدن صکرہ
(کبار مشایخدن برذات کلش شرفیاب حضورکز
اولمق ایچون مساعده ایستہ یور) دیدی . مساعده دن
صکرہ شیخ حضور علیہ لپنہ کیردی . بروضع
خاکیانہ ایلمہ انکا ایدوب زبان حال ایلمہ یکدیگریلمہ
بی واسطہ تعاطی اسرار ایتدیلمر . بغداددہ
سلطان العلماء کی عصرینک اک نامدار عالمیلہ
شرفیاب محبت و التفات اولان شیخ سہروردی

ایتدیکنز ایچون مناقبلرده مراقلی قارلرک هوس
علمیلرینی تطمین ایدمک چوق لطیف حکایه لر
بولوندیغنی سویله مکی کافی کوروپورز .

حضرت سید ، قونیهدن قیصریه یه عزیمت
ایتمک ایسته دی . جناب مولونادن مساعده
طلب ایتدی . چوققلنی زماننده آتایکک =
لالالق ، سن کالنده مربیلک ایدن سید سردانک
آیریلمه سنه مساعده ایتمدیلر . فقط سید ، مولانانک
خبری یوقکن آتیه ییندی ، قیصریه یه متوجهاً
حرکت ایتدی . یوله آتک آیاغی قایدی . یچاره
سیدک آیاقلری اینجیندی . قونییه عودتله مولانادن
اعتذاروتکرار مساعده ایسته دی جناب خداوندکاره
هیرتلرینک اسبابی صورتی . سید ، الحمدلله سز
واصل کمال و نائل مرتبه عالعال اولدیکنز . بلکه
عالیمان سزدن مستیر و بهره یاب فیض اولور . نیم
تعجیل شودرکه متین وقوی بر آرسلان بو ولایت
متوجهاً کلمکده در . او آرسلاندر ، بنده آرسلانم .
ایکی آرسلان بر پوستده یاراشماز « بیوردی . بو ذات
مشهور حضرت شمس الدین تبریزدر .

مابعدی وار ابن مولانام . فرموده نافذ

* *

سید برهان الدین حضرتلرینک مشهور (سنن
ترمذی) صاحبندن درس اوقومش اولدینی ولد
چلی اقدینک افاده سنه عطفاً کچن نسخه ده یازلمشدی .
فاضل بر قارئز طرفندن آلدیغمز ایقاظنامه ده
« صاحب السنن ابو عیسی محمد بن عیسی الترمذی نک
۲۷۹ ده ، صاحب ختم الولایه حکیم ابو عبده محمد
بن علی الترمذی نک ۲۵۶ ده وفات ایلدیکی ، سید
محققک ایسه تاریخ وفاتی ۶۴۸ کوسترلیدیکی جهته
کندیسنک مششارالیهمادن تلمیذه زمان و امکان
بولونامایه جنی « بیلدیرلمشدر .

مجله

شمیدده اونک مریدفاضلی ایله قارشنی به کلمشدی .
تأثرینی عضبلرنده صاقلایامدی . کوزندن دوکولن
یاشلر چهره سنی ایصلاقمغه باشلادی . او رقت
قلیه ایله حضورنده داها فضله طرر امدادی ، همان
دیشاری چیقدی . بعض کیمسه لر شیخه (نیچون
قونوشمادیکنز) دییه صوردیله .

شیخ جواباً : (بینه زده پک چوق مکالمه لر
کچدی . مشکلات کثیره حل اولندی) دیدی .
« جناب سید برهان الدینی فصل بولدیکنز « سؤاله
جواباده « اوزات عالی یوزی مستور بر دریای
معارف و حقایقدر « بیوردیلر .

شیخ الاسلام ترمذی دیرمش که سید برهان الدین
حقائقی معارفه اولان سوزلری پک کوزهل سویله .
چونکه کتب مشایخی و آنلرک اسرارینی مطالعه
ایتمشدر . ترجمه سپهسالار - مدحت پک «
او عصرک چوق مشهور ایکی عالمی طرفندن
شو حسن شهادتله ده . تأییدیدیورکه سید برهان الدین
فوق العاده مهم برسمای علم در . یازیق که اونی کیمسه
لاقیله تتبعه موفق اولامشدر . عالم ، مربی ،
متصوف کبی حائر اولدینی صفتلریله آیری آیری
تدقیق ایتمک لازمدر . سلطان العلمانک کندیسنه
خلافت ویرمسی ، تقدیراتی اونک علمی قدرتلرینی
بزه آ کلاته بیلیر .

ترمذکی اورته آسیانک قونییه نظراً اوزاق
برشهرندن کلمی ده صرف علم عشق ، استاد و شیخه
حرمتله قابل ایضاحدر .

مولانای . جماع وصفایه حضرت شمس تشویق
ایتدی . علم و طریقتده کی برچوق حقائقی ده مشوی
صاحبه جناب سید تلقین ایلدی . مولویک تاریخنده کی
اهمیتی بونقطه تظاهردن تضاعف ایدیور . جناب
مولانایه (اربعین) چیقارتدینی محل قیصریه علی
طاغی دییه مشهوردر . بز فضله تفصیلاتدن اجتناب